

## 2. PRAVO NA JEDNOKRATNU I PRIVREMENU NOVČANU POMOĆ

Privremena i jednokratna novčana pomoć priznaje se licima ili porodicama koje se nađu u stanju socijalne potrebe usljed okolnosti propisanih Kantonalnim zakonom pod sljedećim uvjetima:

1. da nemaju dovoljno prihoda za izdržavanje
2. da nemaju članova porodice koji su po zakonu obavezni da ih izdržavaju ili ako ih imaju, da ta lica nisu u mogućnosti da izvršavaju obavezu izdržavanja

### 1. bez dovoljno prihoda za izdržavanje u smislu člana 24. Kantonalnog zakona, smatra se ako:

- ukupan prihod po članu domaćinstva mjesečno ne prelazi 10% od prosječne plaće Kantona, tj. prosječne neto plaće Kantona ostvarene u godini koja prethodi podnošenju zahtjeva a to se dokazuje po osnovu:

- a) plaća i drugih primanja iz radnog odnosa;
- b) starosne, invalidske i porodične penzije;
- c) poljoprivredne djelatnosti (katastarski prihod)
- d) primanja po propisima o boračko-invalidskoj zaštiti i zaštiti civilnih žrtava rata;
- f) prihoda ostvarenih po osnovu imovinskog prava;
- g) prihoda ostvarenih po osnovu privredne, uslužne i druge djelatnosti;
- h) dopunskog rada;
- i) i drugih primanja.

U smislu nevedenog prihodom se ne smatraju: *novčane naknade po osnovu prava lica sa invaliditetom, dodatak na djecu, stipendije, krediti učenika i studenata, alimentacije i jednokratne pomoći.*

### 2. da nemaju članove porodice koji su po zakonu obavezni da ih izdržavaju ili ako ih imaju, da ta lica nisu u mogućnosti da izvršavaju obavezu izdržavanja, smatra se ako:

- srodnik/ član porodice nema prihode po članu njegovog domaćinstva veće od 20% od prosječne plaće Kantona.

Prema Kantonalnom zakonom visina jednokratna novčana pomoć može se odobriti u iznosu do 200,00 KM, a istom licu se može odobriti najviše dva puta, u toku kalendarske godine.

Visina privremene novčane pomoći utvrđuje se u iznosu od 100,00 do 400,00 KM, a može se dodijeliti istom licu samo jedanput u toku kalendarske godine, o čemu odlučuje Stručni tim Centra/Službe.

**Zahtjev za ostvarivanje prava se podnosi putem centra za socijalni rad ili putem službe socijalne zaštite Doboj-Jug ili Usora. U drugostepenom postupku žalbe rješava Ministarstvo za rad, socijalnu politiku i izbjeglice Ze-Do kantona.**

## Potrebna dokumentacija za razmatranje i odlučivanje po zahtjevu za ostvarivanje prava na jednokratnu i privremenu novčanu pomoć

R/b	Potrebna dokumentacija	Dokument izdaje
1.	Lična karta na uvid na osnovu koje se u Centru za socijalni rad/ Općinskoj službi sačinjava službena zabilješka	MUP Zeničko-dobojskog kantona
2.	Prijava prebivališta-boravišta	MUP Zeničko-dobojskog kantona
3.	Izjava o zajedničkom domaćinstvu	Nadležna općina/grad-šalter sala
4.	Dokazi o prihodima-u skladu sa članom 24. Kantonalnog zakona	Poslodavac(platne liste) PIO/MIO Biro za zapošljavanje ili primanje po drugom osnovu
5.	Potvrda o redovnom pohađanju škole za djecu školskog uzrasta 15. godina i više	Obrazovna ustanova
6.	<b>Dokaz o stanju socijalne potrebe:</b>	
6.1.	U slučaju smrti jednog ili više članova porodice - Izvod iz Matične knjige umrlih	Nadležna gradska/općinska služba
6.2.	Zbog liječenja, odlaska i povratka sa liječenja- Medicinska dokumentacija	Zdravstvene ustanove, Institut za medicinsko vještačenje, Prvostepena stručna komisija za ocjenjivanje sposobnosti i razvrstavanje djece i omladine ometene u fizičkom ili psihičkom razvoju
6.3.	Zbog otpuštanja sa izdržavanja kazne zakona- Potvrda o izdržanoj kazni, odnosno uvjetnom otpuštanju	Nadležna ustanova
6.4.	Zbog izvršavanja odgojne mjere - Potvrda	Nadležna ustanova
6.5.	Zbog elementarne nepogode - Uvjerenje i dr. dokaz o šteti	Gradski/općinski ili Kantonalni štab socijalne zaštite
6.6.	Zbog iznenadnih nesretnih događaja u porodici i drugih okolnosti koje uzrokuju stanje socijalne potrebe - Potvrda i dr. dokazi	Mjesna zajednica, ustanove/institucije, Zavod zdravstvenog osiguranja i dr.
7.	Tekući račun	Banka

### Napomene:

- Dokumenti/dokazi pod rednim br.: 2,3,4,5 i 6 ne mogu biti stariji od šest mjeseci.
- Dokumenti/dokazi se dostavljaju originalni ili ovjerene kopije istog.
- Dokumenti/dokazi pod rednim br.: 6.2 i 7 se mogu dostaviti u kopiji.